

Referat frå Leiarmøte, 14.-15. oktober.

Harald Sleveland frå Helleland Sau og Geit ynskte velkommen. Dei to lokallaga i Eigersund kommune og faglaga i kommunen samarbeider godt.

Johan Aakre, Dalane sin representant i Næringsregion Stavanger, kom i staden for ordføraren og snakka litt om kommunen. Han framheva haustmarken i Egersund der Sau og Geit har markert seg.

Opprop ved Håvard Helgeland: 16 lokallag mangla representant.

«Korleis skape ein levande organisasjon?» Mona Evjen frå comona.no var foredragshaldar på fredag. Ho snakka om motivasjon, mål, menneskekunnskap, kommunikasjon, vegen vidare. Det var mykje inspirasjon og emnar til ettertanke, med gruppearbeid og nye måtar å kommunisera på.

Bondelaget i Rogaland, v/nestleiar Kjell Andreas Heskestad. Opptatt av kulturlandskapet, der sauen er ein viktig landskapspleiar. Importvern er utfordrande. Rogaland Bondelag har hatt medlemsauke i det siste.

Bonde- og Småbrukarlaget i Rogaland, v/nestleiar Torbjørn Norland. Utnytting av ressursane, beite, kor mykje før hentar me i utmarka? Han er med i forhandlingsutvalet til jordbruksforhandlingane. Han orienterte om nye teljedataar og søknadsfristar.

Informasjon av leiar i RSG, Bjørn Høyland. Endring i styret, Jon Arvid Vassbø har trekt seg, Iren Vestersjø Hidle blir fast i styret, og Kjell Åge Torsen rykker opp som 1. vara.

Bjørn ivrar for at RSG skal vera ein levande organisasjon. Korleis rekrutterer unge bønder i lokallag og få dei med på Fjelldagane? Samling for «unge og nye bønder» i regionane, med start neste haust. Korleis går ein fram ved samanslåing av lokallag?

«Tjålandmodellen» for lammetilskott, Magnus hadde rett, og har gjort ein kjempejobb. Me trur saken er tapt og avsluttar vidare arbeid med den.

Rovdyr er eit problem i Suldal og Sauda. Ørn er eit aukande problem fleire stader.

Blåsjøvegen, RSG jobbar for å få nøkkel til bom, for å få heim sauver om hausten frå uleigde områder.

Innspel: Møte på Øksnevad med invitasjon av elever, familiearrangement, invitere folk med på møta, bastante meiningar - må vera sterkt som ung for å ta ordet. Saknar lammekjøt i butikk, må snakka om marknaden.

Kåring v/ Arnhild Skjørestad. Det er viktig å ha respekt for regelverket, men dei nye kåringsreglane skapar diskusjon. Dispensasjon er ein mulighet, ikkje ein rettigheit. Ønske om at nabo-lokallag har kåring på forskjellige dagar.

Småraselaga hadde møte med Lars Erik Wallin. Det var eit godt møte med konstruktiv diskusjon, der småraselaga fekk leggja fram sine synspunkt.

Innspel: Ullmengde er fjerna pga lite samsvar mellom dommar og ullstasjon, kåring av for små lam, rett å bruka indeksane, brukseigenskapar skal gje ein lettdreven sau, går seg til etter kvart, kåringsreglane må bli klar i god tid før kåringane startar.

Lokallag og vereringane sin time: Fleire lag sa at det er dårlig oppmøte og vanskeleg å få med nye og unge. Viktig med forskjellige arrangement som famnar bredt. Samarbeid med faglaga og for eksempel «Marken». Kåringsjå skapar engasjement og godt miljø, men nokon føretrekker heimakåring. Fjøsmøte fenger unge bønder. Nokon lokallag har facebook-side som fungerer godt. Små lag bør slå seg saman med nabolaget. Må unngå å leggja leiarmøte og årsmøte til haust- eller vinterferie.

Dei fleste vereringane har godt sal av indeksverer. Følgjer satsane til NSG. Fleire ringar har unge, ivrige medlemmar, mens nokon har utfordringar med å få med nye folk. Ringane veljar verer ut frå indeksane, ser lite på dommarpoeng. Vanskeleg med to rasar, med tanke på kjøp av ver, som medlem i ring.

Lars Erik Wallin, NSG-«MIN SIDE»

Medlemmane må senda inn mail-adresse for å få passord. Styret i lokallaga kan logge inn på sjå på medlemslistene, tal sau, om kontingent er betalt, osv. Bra informasjon.

Oppsummering:

Bra tema på leiarmøta, sakna litt fagstoff, må jobba for å få med ungdommen. Alle er like viktige, store og små, enten dei driv med avl eller ikkje.